

# RI RUQ'UISIBEL K'ATBEL TZIJ

## RI K'ATBEL TZIJ RICHIN RI DIOS

Ri lok'olej tak tz'ibanic q'uiy mul niquitzijoj chike chi c'o chi xkojapon chuvech ri Dios y xtik'at tzij pa kavi'. Nic'atzin chi nik'ax chikavech achique rubaniquil re k'atbel tzij re' richin queri' c'o modo nikachojmirisaj apon ki' chuvech.

Ri lok'olej tak tz'ibanic niquibij chi conojel ri vinek xtik'at tzij pa quivi' achi'el ri quibanobal (tatz'eta' c'a ri Apocalipsis 20:12 y DyC 76:111 y 1 Nefi 15:32 y Abraham 3:25-28).

"Y xentz'et ri e caminaki', chi ch'uti'k chi nima'k, e pa'el chuvech ri Dios. Y ri vuj xejakalox, y xjak chic jun vuj jari' richin ri c'aslen. Y xk'at tzij pa quivi' ri caminaki' roma ri e tz'ibatel chupan ri vuj, achi'el ri quibanobal" (Apocalipsis 20:12).

Chupan re mocaj re', ri Juan ri K'alajirisanel nitzijon chirij ri "q'uisibel k'atbel tzij." E c'o q'uiy tak k'atbel tzij, pero jare' ri ruq'uisibel k'atbel tzij. Chupan ri c'aslen rubanon can, xk'at tzij pa quivi' conojel y ri vinaki' ri e ruc'amon xya'ox k'ij chique richin xepe chuvach'ulef y niquic'ul jun quich'acul. Vave' chuvech re ruvach'ulef binakel nitz'et ri kabanobal richin netamex vi ruc'amon chi nikaben ri samaj chupan ri K'ataj. Tok yojkasex chuxe' ya', yenic'ox ri kabanobal chutz'etic vi ruc'amon chi nikaben. Chuka' yenic'ox ri kabanobal tok yojjoyox chupan jun samaj chupan ri K'ataj, o tok yojjote' chupan ri aj chicajel uchuk'a', o tok ne'kac'ulu' jun vujil richin yojbe pa templo. Ronojel re' utz nikabij k'atbel tzij chire.



Ri Alma xubij chi tok ri vinaki' yecom, ri qui espíritu yetak chupan jun c'ojlibel richin quicoten o chupan jun c'ojlibel richin bis (tatz'eta' c'a ri Alma 40:11-15). Ja c'are' jun k'atbel tzij chuka'.

Tatzijoj c'a ri k'atbel tzij ri e kac'ovisan chic, y chuka' ri manjani xquekac'ovisaj.

### **RI KACH'ABEL, Y RI KASAMAJ, Y RI KANOJIBAL NIQUIK'ET TZIJ PA KAVI'**

Ri profeta Alma quere' xubij: "Ri tzij ri xkabila' xkojquetzelaj, y ri xkabanala' can, chuka' xkojquetzelaj. . . .Chuka' xkojjetzelex roma ri xkanojila'" (Alma 12:14).

Can ja vi ri Ajaf quere' xubij: ". . .ronojel ch'abel ri manek ric'atz ri xtiquibij ri achi'a', xte'quijacha' cuenta chupan ri k'ij tok xtiban chojmil. Coma c'a ri ach'abel xtiban achojmil y coma ri ach'abel xtavejkalej ach'ojiquil" (Mateo 12:37).

Nic'atzin chi niketamaj nikac'uaj ri kanojibal richin queri' nikachojmirisaj apon ki' chuvech ri k'atbel tzij. Utz nikaya' utzilej tak nojibel pa quiq'uexel itzel tak nojibel. C'o modo nikaxilk'otij el ri c'ojlibel y ri vuj y ri vinaki' ri niquit'uc itzel tak nojibel. Nic'atzin chi nikabij ri utz chiquij ch'aka' chic vinaki'.

Tac'utuj chique chiquijujunal ri vinaki' chi tiquich'obo' chi xtik'alajirisex ronojel ri quich'abel y ronojel ri quinojibal chupan ri ruq'uisibel k'atbel tzij.

C'ari' tabij chique chi tiquich'obo' achique modo xtiquichojmirisaj ri quich'abel y ri quinojibal.

### **XTIK'AT TZIJ PA KAVI' ROMA RI TZ'IBATEL CAN**

Ri Profeta José Smith xubij chi xtik'at tzij pa quivi' ri caminaki' coma ri e tz'ibatel chuvach'ulef. Chuka' xtik'at tzij pa kavi' roma ri tz'ibatel chupan ri "vuj richin ri c'aslen" ri nitz'ibex chila' chicaj (tatz'eta' c'a ri DyC 128:6-7).

Ri Joseph Fielding Smith quere' xutz'ibaj: Xtik'at tzij pa kavi' roma ri tz'ibatel chupan ri vuj, y coma ri k'alajirisanic richin ri Dios, y roma ri tz'ibatel chupan ri templos, y roma ri rubin ri Ajaf chi tikatakej. . . .xtic'oje' jun tzijonic richin ri kabanobal chila' chicaj, y jari' jun tz'aket tzijonic richin ri kabanobal.

C'o jun chic tzijonic richin banobel ri xticusex chuk'atic tzij pa kavi'. Ri Apóstol Pablo xubij chi jun vinek ja rija' ri más tz'aket retal richin ri rubanobal chupan ri ruc'aslen (tatz'eta' c'a ri Romanos 2:15 y ri 2 Corintios 3:1-3). Chu-

pan ri kach'acul y chupan ri kanojibal c'o jun retal richin ronojel ri kabanon. Ri Presidente John Taylor quere' xubij: "Ri vinek can ja vi rija' nitzijon chupan ri rubanobal, y nuk'alajirisaj pa ruvi' rija' mismo. . . .Ri tzijonic richin banobel ri nitz'ibex roma ri achin chupan ri runojibal y man nitiquir ta nutz'uc tzij, xtic'utumej chuvech ri Dios y chiquivech ri ángeles y chiquivech ri e k'atayon tzij.

¿Achique camí oxí' ruvech retal tzij achojiq'uín xtik'at vi tzij pa kavi'?

Achique nuben ri kanojibal y ri kabanobal k'ij k'ij chique re retal banobel re'?

## ¿ACHIQUE XQUEK'ATON TZIJ?

Ri Apóstol Pablo quere' xubij: "Roma ri Tata'ixel man nuk'et ta tzij pa ruvi' manjun achin, xa xuya' pa ruk'a' ri C'ajolaxel ronojel ri k'atbel tzij" (Juan 5:22). Ri C'ajolaxel chuka' xeroyoj pe ch'aka' chic vinaki' chuto'ic riq'uín ri k'atbel tzij. Ri Cablajuj Apostoli' ri e c'o riq'uín tok xubana-la' ri lok'olej rusamaj, rije' xtiq'ik'et tzij pa quivi' ri cablajuj rijatzul ri Israel (tatz'eta' c'a ri Mateo 19:28; Lucas 22:30). Ri Cablajuj Apostoli' ri e aj Nefi'i' xtiq'ik'et tzij pa quivi' ri Nefi'i' y ri Lamani' (tatz'eta' c'a ri 1 Nefi 12:9-10 y ri Mormon 3:18-19). Ri John Taylor xubij chi ri Nabey Presidencia y ri Cablajuj Apostoli' chupan ri kak'ij roj xtiq'ik'et tzij pa kavi' roj.

Tasiq'uij ruvech ri Juan 22:5.

¿Achique c'o pa ruvi' ri k'atbel tzij quichin conojel ri vinaki'?

¿Achique xtik'aton tzij pa quivi' ri vinaki' ri e c'o chupan ri kak'ij roj?

## RI VINAKI' YETAK CHUPAN JALAJUJ RUVECH C'OJLEMAL

Pa ruq'uisibel k'atbel tzij, xkojtak chupan ri ajavaren ri kach'acon. C'o caji' ruvech c'ojlibel ri xkojbe vi. Nabey c'o ri nabey ajavaren y jari' ri ajavaren ri más nim ruc'ojlemal. C'ari' c'o ri ruca'n ajavaren y jari' ri ajavaren ri c'o pa nic'aj. C'o chuka' ri rox ajavaren y jari' ri ajavaren ri más ch'uti'n ruc'ojlemal. Rucaj ja ri sachel jumul, y jari' ri rajavaren ri Satanás. Re jun c'ojlibel re' manjun ruc'ojlemal.

Chupan jun k'alajirisanic (DyC 76), ri Ajaf xuc'ut chuvech ri José Smith jalajoj ruvech rubeyal achojchupan nikac'uaj vi ri kac'aslen chuvech re ruvach'ulef. Ri Ajaf xubij chi riq'uín ri kabanobal xtikach'ec jun chique ri caji' c'ojlibel. Chupan re k'alajirisanic re', niketamaj chi ri vinaki' ri e c'o chupan ri K'ataj man junan ta ri c'ojlibel acuchi yebe vi, roma xa man junan ta niq'itakej ri rupixa' ri Dios.

Vave' nikat'ibaj ri jalajoj ruvech rubeyal achojchupan xti-kac'uj vi ri kac'aslen y ri tak ajavaren ri xtikach'ec riq'uin ri kabanobal.

### RI E NABEY

Je rije' ri xec'ulun ri k'alajjrisanic chirij ri Jesús y ri xeni-man richin ri rubi', y xekasex chuxe' ya'. . . .Riq'uin c'ari', vi niquitakej ronojel ri pixa', xquech'aj y xquech'ajch'ojjri-sex chupan ronojel ri quimac, y xtiquic'ul c'a ri Uxlabixel. Je rije' ri yech'acon chirij re ruvach'ulef riq'uin ri quic'uku-babel c'u'x. Je rije' ri ye'oc choj tak vinaki' y kitzij tak vinaki' richin chi ri Uxlabixel xtitiquir xtujiquiba' ri quituru-sanic pa quivi' (tatz'eta' c'a ri DyC 76:51-53). Ri vinaki' ri niquichinaj ri más jotol c'ojlibel chupan ri nabey ajavaren y ri ye'oc diosi', nic'atzin chi e c'ulan chic richin jumul chupan ri lok'olej nimajay richin ri Ajaf (tatz'eta' c'a ri DyC 131:1-4). Conojel ri vinaki' ri niquichinaj ri nabey ajavaren xquec'oje' jantape' quiq'uin ri Chicajel Katata' y ri Jesu-cristo (tatz'eta' c'a ri DyC 76:62).

### RI E RUCA'N

Jec'a rije' ri xexutun ri utzilej rutzijol tok xec'oje' chuvech re ruvach'ulef, pero xquinimaj chupan ri c'ojlibel quichin ri espíritu. Je rije' ri chojilej tak vinaki' tok xec'oje' chuvech re ruvach'ulef, pero xemoyirisex chuvech ri utzilej rutzijol ri Jesucristo roma ri suk'ubel quina'oj ri achi'a'. Jec'a rije' ri xec'ulun ri utzilej rutzijol y c'o quijiquibanic chirij ri Jesu-cristo, pero c'a c'ari' xa man xquitij ta chic quik'ij. Ri Je-sucristo xqueruk'ejela', pero ri Tata'ixel xa man xtibe ta quiq'uin (tatz'eta' c'a ri DyC 76:73-79). Rije' man xquec'o-je' ta chupan jun familia richin jumul. Xa xquebec'oje' qui-yon jantape' (tatz'eta' c'a ri DyC 131:1-4).

### RI E ROX

Je rije' ri man xeniman ta ri utzilej rutzijol tok xec'oje' chuvech re ruvach'ulef ni ta chuka' chupan ri c'ojlibel qui-chin ri espíritu, y man xquic'ul ta chuka' ri jiquibanic chi-rij ri Jesucristo. Je rije' ri yetijon pokonal coma ri quimac rije' chupan ri xibalbay, c'a pa ruq'uisibel ri Milenio. Jari' tok xquec'astej pe. Je rije' ri yetz'ucun tzij, y ri e aj itz, y ri ye'ixokin, y ri yebanon richin ri tz'ilol, y ri yebanon tz'u-cuj tzij y nicajo' niquiben. E c'o janíla quere', achi'el ri

ch'umila' chila' chicao y ri sanayi' chuchi' ri nimalej ya'. Ri Uxlaxel xqueruk'ejela', pero ri Tata'ixel y ri C'ajolaxel man xquebe ta quiq'uin (tatz'eta' c'a ri DyC 76:81-85, 103-106).

### JURAYIL K'EKU'M

Je rije' ri xquic'ul ri jiquibanic chirij ri Jesucristo roma ri Uxlaxel y quetaman chic ri ruchuk'a' ri Ajaf, pero xquiya' k'ij chire ri Satanás richin xeruch'ec. Xquixutuj ri kitzij y xquiyo'k' ri ruchuk'a' ri Ajaf. Más utz vi rije' man ta xe'alex pe. Man xticuyutej ta ri quimac. Rije' xquixutuj ri Lok'olej Espíritu tok xquic'ul yan. Rije' man xquic'ul ta jun ajavaren richin c'ojlemal. Xquec'oje' jantape' chupan jumul k'eku'm, y c'aye'val, y k'axo'n riq'uin ri Satanás y quiq'uin ri ru án-geles (tatz'eta' c'a ri DyC 76:28-35; 44-48).

Tac'utuj chire jun vinek chi tutzijoj ri oxil' ruvech c'ojlemal y ri jurayil k'eku'm y achique vinaki' xquebe chupan ri c'ojlibel ri'.

### NIC'ATZIN CHI NIKACHOJMIRISAJ APON KI' CHUVECH ROMA RI K'ATBEL TZIJ

Ronojel k'ij roj nikac'ul k'atbel tzij pa kavi'. Ri kach'abel, ri kanojibal, y ri kabanobal k'ij k'ij yeban achi'el ri jun nabey pixa' o jun ruca'n pixa' o jun rox pixa'. Ri kabanobal k'ij k'ij niquibij ri achique ajavaren xtikichinaj.

C'o kiq'uin ronojel ri utzilej rutzijol ri Jesucristo. Ri utzilej rutzijol jari' ri pixa' richin ri nabey ajavaren. E k'alajirisan pe conojel ri takbel richin ri aj chicao'el uchuk'a' ri e c'atzi-nel chike. Oj kasan chic chuxe' ya' y kabanon jun c'ulanen tzij ri nubij chi xtikac'uj ri kac'aslen roj achi'el ri ruc'aslen ri Cristo. Ri Ajaf rubin achique rubaniquil ri k'atbel tzij vi nikatij kak'ij chi utzil y nikatakej ri c'ulanen tzij ri kabanon. Quere' c'a xubij: "Quixámpe, rix ri ix turusan roma ri Nata', tivichinaj ri ajavaren ri banon can chive, pa rutiquiribel pe re ruvach'ulef'" (Mateo 25:34).

¿Achique c'o chi nikaben richin nikachojmirisaj apon ki' chuvech ri ruq'uisibel k'atbel tzij?

Tac'utuj chique ri vinaki' chi tiquich'obo' ri achique xtiquina' pa cá'nima vi ri Ajaf xtubij ta chique rije' ri ch'abel ri e c'o chupan ri Mateo 25:34.

CH'AKA' CHIC MOCAJ RI UTZ YE'ANIC'OJ

DyC 88:98-102 (nisilox ri trompeta richin k'atbel tzij)

Mateo 25:31-46 (ri Ruca'n Petebal)

Mormon 7:6; Alma 11:41,45; 32:22; Mormon 9:13-14 (ri caminaki' xquec'astej richin nik'at tzij pa quivi' tok man e camel ta chic)

2 Nefi 29:11; 3 Nefi 27:23-26 (yenic'ox tak vuj chupan ri k'atbel tzij)

DyC 128:6-8 (c'o ri tzijonic tak banobel chuvech re ruvach'ulef—ri vuj richin ri c'aslen jari' ri tzijonic tak banobel ri c'o chila' chica)

Romanos 2:15; 2 Corintios 3:1-3 (jun tzijonic banobel tz'ibatel pan ac'u'x)

Alma 41:2-7 (nikak'et ka tzij pa kavi' roj chirij ri kasamaj y ri karayibal y ri tzolibel c'u'x y ri kabanobal)

Mormon 3:22 (titzolin pe ac'u'x, y tachoymirisaj apon avi' richin yabe'apon chuvech ri Dios)

Lucas 12:47-48; DyC 82:3 (jun vinek ri janila niya'ox chire, janila xtic'utux chire chuka')

DyC 88:16-33 (conojel ri vinek xtiquil ri ch'acoj ri ruc'amon ri niya'ox chique)

JUN BIX RI UTZ NABIXAJ

"Kojquicot Vacami"



# JUMUL TZEKETAJIC

Tok roj xojc'oje' riq'uin ri Chicajel Katata', rija' xuc'ut chikavech jun rubeyal richin xojjote' roma roj oj ralc'ual rija' pan espíritu. Rija' xubij chike chi roj xkojtiquir xkojoc junan riq'uin rija'. Chupan re rubeyal re' xc'atzin chi xojel el riq'uin ri Katata' c'o chicaj y yojpe chuvach'ulef. Re' xc'atzin richin chi c'o modo nikac'ut chi yekatakej ri rupixa' ri Dios tok man oj c'o ta chic riq'uin. Chuka' nic'atzin chi chupan re rubeyal re' niq'uis ri kac'aslen chuvech re ruvach'ulef, y chi nik'at tzij pa kavi', y chi nikil ri ch'acoj achi'el ri kabanobal. C'a c'ari' xkojta pa jun c'ojlbel che ri kach'acon y chiri' xkojc'oje' vi jantape'.

Ri Jesús quere' xubij: "Chi rachoch ri Nata' e c'o janíla jay" (Juan 14:2). Ri lok'olej tak tz'ibanic niquic'ut chikavech chi e c'o oxi' ruvech c'ojlmal o ajavaren chila' chicaj. Ri Apóstol Pablo xubij chi rija' retaman ruvech jun achin ri xbe rox caj (2 Corintios 12:2). Ri Pablo yerunataj ca'i' ajavaren chila' chicaj, y jari' ri nabey y ri ruca'n (tatz'eta' c'a ri 1 Corintios 15:40-42). Ri nabey ajavaren jari' ri más jotol rajavaren y ri jun chic ajavaren jari' ri ruca'n. Roma jun k'alajirisanic chupan re k'ij re' niketamaj ri rubi' ri rox ajavaren (tatz'eta' c'a ri DyC 76:81). Quere' chuka' niketamaj chi e c'o oxi' ruvech c'ojlbel chupan ri nabey ajavaren (tatz'eta' c'a ri DyC 131:1).

Tac'utuj chire jun vinek chi tutzijoj ri rubeyal ri xuben ri Chicajel Katata' richin nijote' ri kac'aslen.

## ¿ACHIQUE CAMI RI JUMUL TZEKETAJIC?

Ri jumul tzeketajic chuka' nibix exaltación chire. Ri exaltación jari' ri jumul c'aslen, junan rubanic riq'uin ri ruc'aslen ri Dios. Rija' c'o chupan nimalej c'ojlmal. Rija' can tz'aket vi. C'o riq'uin ronojel etamabel y ronojel utzilej nojibel.

Rija' ri tata'aj quichin ri ac'uala' pan espíritu. C'o modo vojoc diosi' junan riq'uin ri Chicajel Katata'. Jari' ri jumul tzeketajic (exaltación).

Vi roj nikacukuba' kac'u'x y yekatakej conojel ri rupixa' ri Ajaf, xkojbec'oje' chupan ri más jotol c'ojlibel chupan ri nabey rajavaren chila' chicaj. Xkojtzeketej achi'el ri Chicajel Katata'. Ri jumul tzeketajic jari' ri más nim rajel ruq'ue-xel ri nitiquir nuya' ri Tata'ixel chique ri ralc'ual. Ri Ajaf rubin chi ri jumul tzeketajic jari' ri nimalaxel sipanic richin ri Dios chiquivech conojel ri ch'aka' chic sipanic (tatz'eta' c'a ri DyC 14:7).

Achique cami ri jumul tzeketajic?

### **RI TURUSANIC RICHIN RI JUMUL TZEKETAJIC**

Ri Chicajel Katata' tz'aket. Man riq'uin vi ri', rija' man nu-q'ueq'uej ta richin nuya' ri retamabal y ri tz'aket rubaniquil. Janíla niquicot roma ri ralc'ual yetiquir ye'oc junan riq'uin rija'. Quere' c'a rubin: Jac'are' ri nusamaj y ri nu-c'ojlemal, chi ninben chi ri vinek man camel ta y chi c'o ri ruc'aslen richin jumul (tatz'eta' c'a ri Moisés 1:39).

Ri vinaki' ri yequitakej ri rupixa' ri Ajaf y niqil ri c'aslen richin jumul chupan ri nabey ajavaren xtiquic'ul jebel tak turusanic. Ri Ajaf quere' xubij: Ronojel xtiya'ox chique (tatz'eta' c'a ri DyC 76:59). Ja c'are' ri jebel turusanic xqueya'ox chique:

1. Xquec'oje' jantape' riq'uin ri Chicajel Katata' y riq'uin ri Jesucristo (tatz'eta' c'a ri DyC 76).
2. Xque'oc diosi'.
3. Xquec'oje' quiq'uin ri chojilej qui familias y xquetiquir xquec'oje' tak calc'ual richin espíritu. Re tak ac'uala' re' xque'oc calc'ual achi'el roj oj ralc'ual ri Chicajel Katata'. Xtuben jun familia ri man q'uisel ta.
4. Xtiquil jun tz'aket quicoten.
5. Xtic'oje' quiq'uin ronojel ri c'o riq'uin ri Chicajel Kata-ta' y riq'uin ri Jesucristo. Jari' ronojel ri cuchuk'a', y ri quic'ojlemal, y ri quinimirinen, y ri quetamabal. Ri Presidente Joseph Fielding Smith quere' xutz'ibaj: "Ri Tata'ixel rubin roma ri C'ajolaxel chi ronojel ri c'o riq'uin xtiya'ox chique ri yetaken ri rupixa'. *Xtinimer ri quetamabal, y ri*

*utzilej quina'oj, y ri cuchuk'a', y xquebe chupan jun utzil c'a chupan jun chic, c'a jampe' xtich'oxoxex pa quivi' ronojel ri richin ri chojilej k'ij.*

Tatzijoj ri turusanic ri xtiya'ox chique ri vinaki' ri niqil ri jumul tzeketajic.

## **RI NIC'ATZIN CHIRE RI JUMUL TZEKETAJIC**

Ri Chojlaxela' chupan ri Ruq'uisibel tak K'ij yetijox chi vacami yan tiquibana' ri achique nic'atzin chire ri jumul tzeketajic (tatz'eta' c'a ri Alma 34:32-34). Ri Joseph Fielding Smith quere' xubij: C'o chi nikac'ul ri utzilej rutzijol y ronojel ri c'ulanen tzij richin nikil ri jumul tzeketajic. C'o chi nikac'ul ronojel ri samaj ri ruya'on pe ri Ajaf. Y c'o chi yojbiyin chupan ri sakil y chupan ri etamabel richin ri kitzij, y nikac'uj ri kac'aslen achi'el niquibij conojel ri ch'abel ri e elenek pa ruchi' ri Dios.

Ja c'are' ri takbel nic'atzin chike richin nikil ri jumul tzeketajic:

1. C'o chi yojkasex chuxe' ya' y chi yojjiquibex pe chupan ri Ruk'ataj ri Jesucristo.
2. C'o chi nikac'ul ri Uxlabixel.
3. C'o chi nikac'ul ri lok'olej investidura chupan ri lok'olej nimajay richin ri Ajaf.
4. C'o chi yojc'ule' richin jumul.

Man xaxe ta ri takbel yec'atzin chike, xa e c'o chuka' q'uuy pixa' ri c'o chi nikatakej richin nikil ri tzeketajic. Nic'atzin chi nikaben quere':

1. Nikajo' ri Dios y nikaya' ruk'ij.
2. Nikacukuba' kac'u'x riq'uin ri Jesucristo.
3. Nikatakej ri pixa' richin ch'ajch'oj c'aslen.
4. Nitzolin pe kac'u'x chupan ri kamac.
5. Nikatoj jun choj lajujitalil y ch'aka' chic sujubel.
6. Yojoc choj riq'uin ri Ajaf y quiq'uin ri ch'aka' chic vinaki' riq'uin ronojel ri kabanobal.
7. Nikabij ri kitzij jantape'.
8. Nikatakej ri Ch'abel richin Etamabel.
9. Nikacanoj ri quibi' ri kach'alal e k'axinek el y chuka' nikaben ri takbel richin ri colotajic pa qui cuenta rije'.

10. Nikatakej ri uxlanibel k'ij.
11. Yojbe chupan ri molojri'il richin ri K'ataj jutakil richin nikacamuluj ri c'ulanen tzij xkaben tok xojkasex chuxe' ya'.
12. Quekajo' ri ka familia y yekac'uj chupan ri rubeyal ri Ajaf.
13. Ronojel k'ij kojch'o riq'uin ri Dios kayon y chuka' quiq'uin ri ka familia.
14. Nikaya' quik'ij ri kate' katata'.
15. Nikac'ut ri utzilej rutzijol chiquivech ri ch'aka' chic vinaki'. Jare' nikaben riq'uin ri kach'abel y chuka' riq'uin ri kabanobal.
16. Nikanic'oj rupan ri lok'olej tak tz'ibanic.
17. Nikac'axaj quich'abel ri profeta'i' richin ri Ajaf y nikanimaj quitzij.
18. Nikanimirisaj ri kitzij ajovabel chupan ri kac'aslen.

Chikajujunal roj c'o chi yojcoch'on chupan ri cukubabel c'u'x, c'a pa ruq'uisibel y chuka' tikatakej ronojel ri rupixa' ri Ajaf chijun ri kac'aslen.

¿Achiq ue takbel c'o chi nikac'ul richin yojtzeketej.

¿Achiq ue pixa' c'o chi nikatakej richin nikil ri jumul tzeketajic.

### **TOK OJ COCH'OVINEK C'A PA RUQ'UISIBEL**

¿Achiq ue xtic'ulvachitej tok oj coch'ovinek y kacukuban kac'u'x c'a pa ruq'uisibel? Ri Ajaf quere' xubij: Vi ye'atakej ri nupixa' y yacoch'on c'a pa ruq'uisibel, xtic'oje' ri ac'aslen richin jumul, y jari' ri nimalaxel sipanic chiquivech conojel ri ch'aka' chic sipanic richin ri Dios (tatz'eta' c'a ri DyC 14:7). Quere' xubij ri Presidente Joseph Fielding Smith: "Vi man yojtane' ta chucukubaxic kac'u'x riq'uin ri Dios—vi yekatakej ri rupixa' y nikaya' ruk'ij y yojcanej can chupan ri rukitzij—c'ari' can xtapon vi ri k'ij tok xkojatini-sex chupan ri tz'aket kitzij. Y ri kitzij ri' xtinimer c'a jampe' xtoc achi'el jun tz'aket k'ij."

Ri Profeta José Smith quere' xubij: "Tok yajote' pa jun escalera, nachop el jotolen c'a chuxe' y yajote' ak'anij ekal, y c'arunaj yatapon pa ruvi'. Que c'are' rubaniquil ri tijonic y banobal richin ri utzilej rutzijol. Nachop pa rutiquiribel y ekal ekal navetamaj ronojel ri rutiquiribel ri jumul

tzeketajic. Pero tok manjani tavetamaj ronojel ri rutijonic y ri rubanobal, yacom c'a el. Man xtik'ax ta el chikavech ronojel chupan re c'aslen re'. Can nim vi ri samaj richin niketamaj ri kacolotajic y ri jumul tzeketajic chupan ri kac'aslen chikavech apon'' (tatz'eta' c'a ri *Enseñanzas del Profeta José Smith*, pp. 430-431).

Ja c'are' ri rubeyal achojroma ri Tata'ixel xoc jun Dios. Ri José Smith quere' xubij: "Jare' ri nabey tijonic richin ri Utzilej Rutzijol, chi tiketamaj achique ri rubaniquil ri Dios . . . jun bey can rija' jun achin achi'el roj. . . Can ja ri Dios, ri Tata'ixel kichin roj konojel xc'oje' chuvech jun ruvach'ulef achi'el ri xuben ri Jesucristo chuka'' (tatz'eta' c'a ri *Enseñanzas del Profeta José Smith*, pp. 427-428).

Ri Chicajel Katata' retaman ri kac'ayeval y ri achique man utz ta nikaben. Nujoyovaj kavech. Nurayij chi nikaben ri utz achi'el ri xuben rija' chuka'.

Tach'obo' rij ri quicoten ri xtilkil tok xkojtzolin riq'uin ri Chicajel Katata' vi c'o c'a modo chi nikabij quere': "Nata', yin xinben ri achique xarayij chi xinben. Xincukuba' nuc'u'x y xentakej ronojel ri apixa'. Yiquicot roma in c'o chic avi-q'uin." C'a c'ari' xtikac'axaj rija' y quere' xtubij: "Utz xaben. . . pa ruvi' re juba' xatoc choj, pa ruvi' q'uiy xcatinya' vi. Catoc pa ruquicoten ri Avajaf'' (Mateo 25:23).

Tatzijoj ri achique xtana' pan avánima vi xtavac'axaj ri Ajaf y rija' xtubij chave ri achi'el nubij ri Mateo 25:23.

¿Achique c'o chi nikaben richin yojcoch'on c'a pa ruq'uisibel?

CH'AKA' CHIC MOCAJ RI UTZ YE'ANIC'OJ

DyC 132:3-4, 16-26, 37 (nich'o chirij ri jumul tzeketajic)

DyC 131:1-4 (ri c'ulubic richin jumul jare' jun jakbel richin ri jumul tzeketajic)

DyC 76:59-70 (yetzijox ri turusanic ri e richin ri nabey c'o'jlemal)

CA'I' BIX RI UTZ YE'ABIXAJ

"Yin In Ralc'ual Ri Dios" "Nata''"